



28/02/2023


სსიპ გარემოს ეროვნულ სააგენტოს

სამოქალაქო მოძრაობის „გავიგუდეთ“ კომენტარები შპს „ჯეოსთილის“ მეტალურგიული საწარმოს ექსპლუატაციის პირობების ცვლილების პროექტის გზშ ანგარიშზე

- როგორც დოკუმენტშია აღნიშნული საწარმო გეგმავს წიდის დროებითი განთავსების და დამუშავების საწარმოო უბნის მოწყობას. საინტერესოა, ნაწილობრივ დახურული ან შემოღობილი თუ იქნება ეს უბანი, ვინაიდან მოსახლეობა საკმაოდ ახლოს ცხოვრობს და ქარის დროს წიდის წვრილი ფრაქციების ამტვერების რისკი საკმაოდ მაღალია; ასევე, საინტერესოა, ქარის დროს ფრაქციების ამტვერების წინააღმდეგ რა ღონისძიებებია გათვალისწინებული?
- კითხვა ცენტრალურ და ადგილობრივ ხელისუფლებასთან/საკრებულოს წარმომადგენელთან - გზშ-ში გვ. 15-ზე ვკითხულობთ, რომ 2014 წლის მთავრობის ტექნიკური რეგლამენტის მიხედვით, სამრეწველო ზონა 1-ში დაუშვებელია საცხოვრებელი განაშენიანების მოწყობა, 2019 წელს კი საკრებულოს დადგენილებით, ქალაქის სამხრეთ აღმოსავლეთ ნაწილს, სადაც 60-70 წელზე მეტი ხნის განმავლობაში ფუნქციონირებს მძიმე მრეწველობის პროფილის ისეთი საწარმოები, როგორცაა რუსთავის მეტალურგიული ქარხანა, ცემენტის ქარხანა, შპს „ჯეოსთილი“-ს მეტალურგიული ქარხანა და სხვა მინიჭებული აქვს „სამრეწველო ზონა 1“-ს სტატუსი. ამასთან, 2011 წელს მთავრობამ საწარმოო ზონაში არსებული შენობა-ნაგებობა (რომელიც ადრე ეკუთვნოდა რუსთავის მეტალურგიულ ქარხანას) გადასცა იძულებით გადაადგილებულ პირებს და შემდეგ დაუკანონდათ მუდმივ საცხოვრებლად.
ამ შემთხვევაში თავად მთავრობის მიერ მიღებული გადაწყვეტილებები ეწინააღმდეგება ერთმანეთს და ამ საკითხში ფიქსირდება სისტემური ხარვეზი. ამიტომ აუცილებელია ამ საკითხს მიექცეს სათანადო ყურადღება, რომ მსგავსი შემთხვევები მომავალში მაინც არ განმეორდეს და საქართველოს მოქალაქეები უზრუნველყოფილი იყვნენ უსაფრთხო საცხოვრებლით შესაბამის საცხოვრებელ ზონაში.
- საწარმოს წარმადობის გაზრდა საწარმოო სიმძლავრეების შეცვლასთან/გაზრდასთან დაკავშირებული არ იქნება და ზრდა მოხდება მიწოდებული ელექტროენერჯის სიმძლავრის გაზრდით, თუმცა, ასევე ვკითხულობთ, რომ საწარმოს წარმადობა გაიზრდება დაახლოებით 72%-ით, შესაბამისად, საინტერესოა, გაზრდილი

ქ.რუსთავი, კოსტავას ქ. #4
3700, Rustavi, Kostava Str., #4
gavigudet@gmail.com

საწარმოს ეროვნულ
ს ა ა გ მ ე ნ ტ ო
02 " 03 2023
№ 1698



წარმადობის შედეგად, არსებულ მდგომარეობასთან შედარებით, რამდენად იზრდება გამოყოფილი მავნე ნივთიერებების რაოდენობა.

4. როგორც ანგარიშიდან ირკვევა, საწარმოში მოქმედებს ორივე ტიპის ღუმელი - ელ. რკალურიც და ინდუქციურიც და ეს ღუმელები ერთდროულად არასდროს მუშაობენ. მათი მონაცვლეობითი მუშობა რა პრინციპით ხდება - როდესაც რომელიმე ერთი სარემონტო სამუშაოებშია თუ რაიმე წარმოების სპეციფიკიდან გამომდინარე? - რადგან როგორც ცნობილია, ინდუქციური ღუმელიდან მტვრის გამოყოფა 6-ჯერ ნაკლებია, ვიდრე ელ.რკალური ღუმელიდან - შესაბამისად, საინტერესოა რატომ არ ენიჭება უპირატესობა სრულად ინდუქციური ღუმელის გამოყენებას?
5. დოკუმენტში აღნიშნულია, რომ ფონური გაფრქვევების მოდელირებისას გამოყენებულია მხოლოდ 2 საწარმოს („რუსთავის ფოლადის“ და „ჯორჯიან ელოის გრუპი“) გაფრქვევები. იქიდან გამომდინარე, რომ შპს „ჯორჯიან ელოის გრუპი“ აღარ ფუნქციონირებს და მის ნაცვლად საქმიანობას ეწევა შპს „მნ გრუპი-2021“, სამინისტროს ვთხოვთ, გადაამოწმოს გუშ დოკუმენტის ფონურ გაფრქვევებში ნამდვილად შპს „მნ გრუპი-2021“-ის გარქვევების მონაცემებია თუ არა გამოყენებული?
6. საწარმო თანახმაა, რომ უწყვეტი თვითმონიტორინგის სისტემის მონაცემები იყოს საჯარო. ვთხოვთ გარემოს დაცვისა და სოფლის მეურნეობის სამინისტროს, რომ უზრუნველყოს ამ და სხვა საწარმოების მიერ მოწოდებული ინფორმაციის საჯაროობა და ხელმისაწვდომობა, მაგალითად, air.gov.ge-ის მსგავსი პლატფორმის მეშვეობით.
7. სასურველია შენიშვნების არსებობის შემთხვევაში, ჩვენ მიერ სამინისტროში გამოგზავნილი წერილები ელექტრონულად გაეგზავნოს კომპანიასაც, რათა სამომავლო ადმინისტრაციული წარმოების ფარგლებში იმავე საქმიანობაზე არ მოხდეს წინა დოკუმენტში არსებული ხარვეზის დუბლირება. იმ შემთხვევაში თუ დოკუმენტაცია ხარვეზდება და წერილში გათვალისწინებულია ჩვენი შენიშვნებიც, სასურველია, რომ ეს წერილი ელექტრონულად შემდეგ ელ-ფოსტაზე: gavigudet@gmail.com გამოგვეგზავნოს ჩვენც ან გვეცნობოს. შენიშვნების არგათვალისწინების შემთხვევაში კი, სასურველია, გვეცნობოს ამის მიზეზი.
8. გამომდინარე იქიდან, რომ სამოქალაქო მოძრაობა „გავიგუდეთ“ აქტიურად ადევნებს თვალს სამინისტროში მიმდინარე ადმინისტრაციულ წარმოებებს, რუსთავში არსებული/დაგეგმილი საწარმოების შესახებ, ესწრება საჯარო განხილვებს და აგზავნის შენიშვნებს, სასურველია, რომ შესაბამისი გადაწყვეტილება ან დასკვნა, რომელიც გაიცემა კონკრეტულ საქმიანობაზე, კომპანიასთან და მუნიციპალიტეტთან ერთად, გამოგვეგზავნოს ჩვენც.

სამოქალაქო მოძრაობა
„გავიგუდეთ“



Civil Movement
We are Suffocating

გმადლობთ.

პატივისცემით,

სამოქალაქო მოძრაობა „გავიგუდეთ“

ქ.რუსთავი, კოსტავას ქ. #4
3700, Rustavi, Kostava Str., #4
gavigudeti@gmail.com